



## Communicaziun a las medias

### Lilli e Squamet – il nov disc cumpact en la retscha TOP KIDS

Cuira, 06-12-2011 – **Questa giada pon ils uffants rumantschs ir cun RTR Radiotelevision Svizra Rumantscha e cun la Lia Rumantscha (LR) en la citad da las nixas en crusch ed a travers la mar. Ed accompagnar Lilli, ina nixina fitg curaschusa e ses ami Squamet sin lur aventuras. Scrit l'istorgia ha l'enconuschenta autora tudestga Cornelia Funke.**

Lilli è ina pitschna nixina fitg curaschusa. Perquai vul ella era far termagls davant las portas da la citad da las nixas. Ses meglier ami Squamet n'è insumma betg intgantà. Sias squamas piztgan da nar – sco adina cura ch'i daventa privlus. Ma Lilli na vul betg restar en la citad. Vi da creatiras cun duas chommas ed octopus na crai ella tuttina betg. Ma questa giada entaupan ils dus amis il sutmarin "Diavel da la mar" e signur e dunna Bavrola che van a chatscha da nixins per lur aquari. Qua èsi tuttina fitg bun ch'i dat vairamain era l'octopus.

Questa giada tramettan RTR e la LR ils uffants en il mund sut l'aua. In mund fascinont cun creatiras nunenconuschentas. Scrit las aventuras da Lilli e Squamet (titel original Lilli und Flosse) ha l'enconuschenta autora tudestga Cornelia Funke. Ses romans fantastics – per exempel er la trilogia "Tintenwelt" han success internaziunal ed èn transladads fingià en 37 liunguatgs. Cun Lilli e Squamet vegn uss in gieu auditiv rumantsch latiers.

Il gieu auditiv "Lilli e Squamet" è cumpari en la seria Top Kids dad RTR e da la LR. In'emprova auditiva chatt'ins en l'internet sut [www.simsalabim.rtr.ch](http://www.simsalabim.rtr.ch). L'istorgia è adattada per uffants a partir da 6 onns.

Il disc cumpact pon ins cumprar tar Radiotelevision Svizra Rumantscha ([www.simsalabim.rtr.ch](http://www.simsalabim.rtr.ch); 081 255 75 75), tar la Lia Rumantscha ([www.liarumantscha.ch](http://www.liarumantscha.ch); 081 258 32 22) a Cuira u en tut las librias che vendan products rumantschs per il pretsch da CHF 19.50.



Radiotelevisiun  
Svizra Rumantscha

www.rtr.ch  
esther.bigliel@rtr.ch

Via da Masans 2  
CH-7002 Cuira  
Tel. +41 (0)81 255 75 75  
Fax +41 (0)81 255 75 00

---

Tgi che giavischa infurmaziuns regularas davart novs products rumantschs per uffants trametta in e-mail a l'adresa [simsalabim@rtr.ch](mailto:simsalabim@rtr.ch).

Sutvart chattais Vus ils discs gia cumparids en la seria Top Kids:

Top Kids vol. 3 Il viadi da Mauro

Top Kids vol. 4 Pippi Socalunga chapitel 1-3

Top Kids vol. 5 Pippi Socalunga chapitel 4-6

Top Kids vol. 6 Toni en il final

Top Kids vol. 7 ed 8 Pippi Socalunga chapitel 7-11

Top Kids vol. 9 e 10 La strietta

Top Kids vol. 11 La stria dals dents marschs

Top Kids vol. 12 Il lader Pederpaiver

Top Kids vol. 13 Rosa tar ils pirats

Top Kids vol. 14 Pauli



*Ulteriuras infurmaziuns:*

*Claudia Cathomen*

*Tel. 081 255 75 75*

*e-mail: [claudia.cathomen@rtr.ch](mailto:claudia.cathomen@rtr.ch)*